

# I CONCURSO DE DESEÑO DO SUADOIRO E OUTROS ARTIGOS DA FACULTADE DE ECONOMÍA E EMPRESA DA UDC

## CURSO 2020 -2021

(Aprobado en Xunta de Facultade o 18 de decembro de 2020)

O Pan de Acción Titorial (PAT) da Facultade de Economía e Empresa coa intención de dar unha maior publicidade e visibilidade á Facultade e ao seu PAT convoca o I CONCURSO DE DESEÑO DO SUADOIRO E OUTROS ARTIGOS DA FACULTADE DE ECONOMÍA E EMPRESA DA UDC para o curso académico 2020 – 2021.

### ORZAMENTO

Para a concesión destes premios dotarase un total de 200 euros con cargo á partida orzamentaria 6170 300C 480.02.

### BASES

#### 1. PARTICIPANTES

Poderá presentarse ao certame de xeito individual todo o alumnado dos distintos niveis (graos, mestrados, doutoramento, títulos non EEES) da Facultade de Economía e Empresa da UDC .

#### 2. REQUISITOS TÉCNICOS

Os deseños terán que ser inéditos, a entidade que convoca o concurso exímese de toda responsabilidade ante posibles reclamacións de terceiros.

O deseño pode ser feito a man ou por ordenador, pero presentarse en soporte informático con formato .JPG, .PDF ou .CDR e cun tamaño de arquivo máximo de 10 MB.

O tamaño do deseño será A4 con 0.5cm de marxe.

O deseño farase a unha soa cor (a unha tinta).

As presentacións deben ser nos seguintes formatos segundo se trate dunha imaxe, texto ou trazo:

- **Imaxe:** debe ter unha resolución mínima de 300ppp e ten que ser unha soa imaxe (sen capas).
- **Texto:** debe ir en liñas, non puntos (vectorizado), e debe indicarse a tipografía usada.
- **Trazo:** debe ir en liñas, non puntos (vectorizado).

#### 3. PREMIOS

O premio para a mellor obra consistirá:

- Nunha **dotación económica de 200 €** aportada pola Facultade de Economía e Empresa.
- Nun **lote dos artigos co deseño gañador** aportado por Reprografía Noroeste, S.L.

Os premios están suxeitos á normativa que rexe os impostos das persoas físicas.

Se o xurado o estimar conveniente poderá deixar o premio deserto.

Código Seguro De Verificación	kHf0h3glrvMD6XndPEKf1g==	Estado	Data e hora
Asinado Por	María Jesús Rodríguez Gulías	Asinado	25/01/2021 10:29:25
Observacións		Páxina	1/3
Url De Verificación	<a href="https://sede.udc.gal/services/validation/kHf0h3glrvMD6XndPEKf1g==">https://sede.udc.gal/services/validation/kHf0h3glrvMD6XndPEKf1g==</a>		



**4. DEREITOS**

O PAT da Facultade de Economía e Empresa e a Facultade de Economía e Empresa, resérvanse o dereito de exposición, reprodución e publicación da obra premiada, sempre facendo mención da autora ou autor, que non perde a propiedade do seu traballo.

Ademais da obra premiada o xurado poderá escoller un número variable de obras que considere de interese para unha posible exposición virtual ou física. As devanditas obras seleccionadas son propiedade de cada autor/a que só cederán temporalmente os dereitos sobre as imaxes para a exposición que tivese lugar, tras o cal seranlles devoltos.

**5. INFORMACIÓN QUE DEBE FIGURAR NAS PROPOSTAS DE DESEÑO**

O deseño debe ter un motivo ou mensaxe principal que represente á Facultade de Economía e Empresa e/ou o seu estudantado.

Nun plano secundario, sen roubar importancia ao motivo ou mensaxe principal, deben figurar as siglas PAT.

**6. SOLICITUDES E LUGAR DE PRESENTACIÓN**

Só se poderá presentar unha solicitude por persoa.

Para a inscrición no concurso será preciso cubrir o **Formulario de solicitude de participación**, dispoñible no seguinte enderezo: <https://bit.ly/patconcurso>.

O deseño que o/a candidato/a presenta ao concurso **subirase no momento de facer a inscrición mediante o propio Formulario de solicitude de participación**, seguindo o formato requirido (.JPG, .PDF ou .CDR) e cun tamaño máximo de 10MB.

A UDC resérvase o dereito de poder esixir ás persoas seleccionadas aqueles documentos que estime oportunos para acreditar a súa vinculación coa Universidade da Coruña.

No caso de que aparezan persoas recoñecibles no deseño, deberase acompañar dunha carta asinada polas devanditas persoas autorizando o uso da súa imaxe, ou, en caso de que as devanditas persoas recoñecibles sexan menores de idade, unha carta asinada polo pai e a nai ou os titores do/da menor.

**7. PRAZO**

O prazo de presentación de solicitudes permanecerá aberto desde o día da publicación desta convocatoria ata as **23:59 horas do venres 12 de marzo de 2021**.

**8. XURADO E RESOLUCIÓN**

O xurado estará presidido polo decano da Facultade de Economía e Empresa ou a persoa en quen delegue. A coordinadora do PAT actuará como secretaria, con voz pero sen voto. Como vogais actuarán dous/as membros do PDI, un/ha membro do PAS e un/ha membro do alumnado. As persoas que actuarán como vogais titulares serán as seguintes:

- Carlota María Balsa Sánchez (PAS)
- Andrés Barbeito Eiroa (alumno)
- Ángeles María Longarela Ares (PDI)
- Estefanía Mourelle Espasandín (PDI)

O Xurado resolverá todas as cuestións non reflectidas nesta convocatoria e que puideran suscitarse. A súa decisión será firme e inapelable.

Código Seguro De Verificación	kHf0h3glrvMD6XndPEKf1g==	Estado	Data e hora
Asinado Por	María Jesús Rodríguez Gulías	Asinado	25/01/2021 10:29:25
Observacións		Páxina	2/3
Url De Verificación	<a href="https://sede.udc.gal/services/validation/kHf0h3glrvMD6XndPEKf1g==">https://sede.udc.gal/services/validation/kHf0h3glrvMD6XndPEKf1g==</a>		



## I CONCURSO DE DESEÑO DO SUADOIRO E OUTROS ARTIGOS DA FEE

A resolución será publicada na web da Facultade de Economía e Empresa e comunicada persoalmente por correo electrónico ás persoas participantes.

A participación no concurso comporta a aceptación expresa de estas bases.

### 9. PROTECCIÓN DE DATOS

En virtude do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos, informamos de que os datos que nos facilite serán tratados baixo a responsabilidade da Universidade da Coruña (UDC), cuxos datos de contacto son: rúa Maestranza 9, 15001, A Coruña, teléfono 981 167 000, correo electrónico [secretariaxeral@udc.gal](mailto:secretariaxeral@udc.gal).

As persoas candidatas deben, no momento de presentar a súa candidatura, marcar a casa do Consentimento para a obtención de datos persoais: captación e difusión de imaxes.

Os datos trataranse durante o tempo imprescindible para cumprir coa citada finalidade e serán conservados durante un período de 6 anos.


En calquera caso, a persoa interesada terá dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Así mesmo, terá dereito a non ser obxecto de decisións individuais automatizadas, incluída a elaboración de perfís.

Tales dereitos poderanse exercer dalgunha das seguintes formas:

- principalmente, a través do “Formulario para o exercicio dos dereitos en materia de protección de datos persoais”, que se pode cubrir desde a Sede Electrónica da UDC no apartado de “Outros trámites”;
- mediante solicitude ao responsable de tratamento dos datos (UDC, Secretaría Xeral), ao enderezo: Secretaría Xeral, Reitoría da Universidade da Coruña, rúa Maestranza 9, 15001 A Coruña, ou ao correo electrónico [rpd@udc.gal](mailto:rpd@udc.gal); tamén poderá presentarse a solicitude a través do rexistro telemático desta Sede Electrónica ou nos rexistros presenciais da UDC.
- mediante solicitude á delegada de protección de datos, ao mesmo enderezo postal anteriormente indicado, ou ao correo electrónico [dpd@udc.gal](mailto:dpd@udc.gal); tamén se poderá presentar a solicitude a través do rexistro telemático desta Sede Electrónica ou nos rexistros presenciais da UDC.

Así mesmo, as persoas interesadas terán dereito a presentar unha reclamación ante a Axencia Española de Protección de Datos (AEPD).

Asinado dixitalmente na Coruña pola coordinadora do PAT da Facultade de Economía e Empresa.

<b>Código Seguro De Verificación</b>	<a href="https://sede.udc.gal/services/validation/kHf0h3glrvMD6XndPEKf1g==">kHf0h3glrvMD6XndPEKf1g==</a>	<b>Estado</b>	<b>Data e hora</b>	
<b>Asinado Por</b>	María Jesús Rodríguez Gulías	Asinado	25/01/2021 10:29:25	
<b>Observacións</b>		<b>Páxina</b>	3/3	
<b>Url De Verificación</b>	<a href="https://sede.udc.gal/services/validation/kHf0h3glrvMD6XndPEKf1g==">https://sede.udc.gal/services/validation/kHf0h3glrvMD6XndPEKf1g==</a>			